



832258

清華館詩稿

海昌

郭沈

夢蘇甫著

元旦試筆

鄰雞聲喔喔催我披衣起今日是何日爆竹喧不已
屈指心暗驚又屆元日矣回頭十九年去去日何駛
對鏡覽雙鬢青青尚如此壯志期一伸豈肯在泥滓
春酒羊羔兒顧之爲色喜笑彼賀歲人不到深山裏
世事薄如雲我心冷如水

山深人跡少寂靜無喧譁比鄰屋數椽半是漁翁家
清華館詩稿

款門來賀歲簑衣拖泥沙瓦盆傾春酒辛盤堆魚鰕
一醉卽高臥夢落天之涯夢醒聞暗香屋角開梅花
阿母年五十行不藉杖扶阿姊工刺繡脫手千明珠
阿咸粗識字亦解吟韓蘇庭前花數枝案頭酒一壺
終日家門內對飲相歡呼安得顧陸手爲寫家慶圖

寄張綺石

匹馬三千里外來軍門應爲野人開鼓山煙樹圍鄉
夢漳海濤聲入酒杯別後無書非棄我秋來多感怕
登臺故園兄弟相思甚望斷寒雲雁未回

讀畫樓看雨

東峯收雲入山去山半忽來風截住雲欲歸山風不
許半日濛濛吹作雨雨勢來自東峯頭山石搖動飛
泉流泉聲雨聲喧不已江潮捲入小樓裏樓前老樹
樓下水水光和煙欲飛起須臾忽露遠天碧雨勢已
散見殘月樓下水流千尺波樓上人吹一枝笛

贈查梅史先生時宰宣城

謝李高吟後江山久寂然天教才子出人頌邑侯賢
政美民皆子時平吏亦仙公餘多妙詠萬口早流傳
清華館詩稿

二

史閣邵墓

馬阮專朝政甯南據上游老臣徒畫策天子奈無愁
諸鎮驕難制中興事已休山河終破碎遺恨滿淮流
委鬼鴟張日悲哉折檻臣孤忠沉厥獄國計付門人
空灑新亭淚難回舊苑春墓門梅蕊發過客薦繁蘋

祝南筠夫子招同曹桐石吳榕園潘穆齋諸先

生家馨堂集丹井山房以座上客常滿樽中

酒不空分韻得滿不二字

齋居苦岑寂欲飲無酒伴佳招遇揚子追隨不容緩

攜屐入青山林中敞高館登堂耆舊多入座春風暖
談深雜往事共嫌明燭短別離今幾時屈指掛頭算
八年如轉瞬故舊半星散邠老意氣豪今亦白髮滿
主歌客復飲各各盡百盞歸歟尚遲遲吟成更款款
緬想古今來此會應亦罕

東坡老人言無酒且學佛此語殊未然何不向人乞
欲銷心上愁須得杯中物酒酣談古今起把龍泉拂
但知效鷹揚豈肯同夔屈友朋卽兄弟高情山屹屹
不見常棣章古人歌鄂不

清華館詩稿

三

晚登薇山

天爲看山特放晴筇杖入手萬緣輕頻招野鹿爲儔
侶只許閒雲管送迎一塢夕陽開暝色四山落葉聚
秋聲疎鐘幾杵催歸急月自東峯缺處生

宿西山僧舍

一片斜陽擁翠嵐西峯招我作幽探特持謝客尋山
屐爲訪生公說法菴明月來依僧入定閒雲歸與佛
同龕松肪藜粥添佳興却憶風流陸劍南

問燕

何事歸來每日斜，可曾銜絮向天涯。年年來往繁華地，舊日雕梁剩幾家。

代燕答

春來秋去自年年，過眼豪華盡變遷。惟有君家門徑熟，三間茅屋杏花前。

寄吳丹崖

煌

用竹垞太史懷一是孝廉韻

高梧生涼風，修竹下清露。中宵起長喟，月光正凝素。韶華一彈指，容顏漸非故。待君君不來，臨風起遐慕。叢樹暗斜陽，山居晴亦陰。薜蘿鎖不開，柴門幽且深。清華館詩稿

四

禽鳥尚苦寂，我心何以任。強起理絲桐，總帶離別音。道路歎遙阻，面目無由覲。雲樹遮幾重，夢魂將安適。回看別君處，芳草仍碧色。把酒強自醉，醉後愁未釋。題牡丹亭傳奇後

宋家南渡競繁華，煙月西湖最足誇。別有英雄兒女事，春風開到杜陵花。南安太守青雲士，賢吏聲名遍遐邇。訪古常來安樂窩，勸耕曾入朱陳里。公餘閒事到琴書，含笑惟憐掌上珠。小字麗娘真絕世，生來花貌似羅敷。高堂爲惜心聰慧，安排早爲終身計。邀得

后山老隱君五經爲教儒林藝誦到毛詩三百篇靈
犀一點入吟牋蘇娘早入無雙譜蔡女先知第四弦
綠牕晝閣朝還暮時光不覺匆匆過金谷鶯啼似喚
人玉堦草長疑無路風信傳來廿四回臨春結綺小
園開侍兒便是氤氳使引出姻緣兩字來曉來報道
韶光好嬉春人比遊蜂早垂柳青迷舞袖低落花紅
襯弓鞋小蝶媒引入夢魂中香徑苔痕處處通疑是
宓妃遊漢上不知宋玉在牆東蛾眉一笑頻回顧梨
渦紅暈穿花去多費東風一陣吹回頭仍在相逢處

清華館詩稿

五

顧影相看各自憐一枝花作姓名傳醒來題上丹青
影不在梅邊在柳邊從此懷愁閉深院倦託鸚哥訴
幽怨淺黛慵描孫壽眉芳姿漸瘦文君面香魂一縷
去茫茫薤露歌中掩洞房蟋蟀幾回悲夜月芙蓉一
夕隕秋霜雙親淚落知多少別離又上長安道盃酒
重澆蘇小墳青山一角圍芳草夢斷香銷春復秋尋
芳杜牧偶來游園丁爲問郎君姓宗派爭傳柳柳州
古梅樹下埋香地往來幾墮傷心淚拾得崔徽舊畫
圖一時逗起憐香思幾度輕輕拂軟塵幾回展卷喚

眞眞費他一片纏綿想呼起江臯解珮人香魂似感
殷勤意月明環珮姍姍至叩叩香囊好定情一衾春
色多嬌媚續命何須紫府僊墓中扶起便團圓纔辭
馬鬣三層土又上鷗夷萬里船一椽旅舍身如寄羅
家夫婿偏多事獻賦難逢北闕開搖鞭又赴南宮試
天涯兵火正紛紛欲寄魚書倍愴神淮水一條流碧
血秦關千里滿黃巾白頭父老威名重丹心誓掃么
麼種劍影排來塞月寒甲光擁出邊雲動傳來消息
半模糊夢裏離愁遍五都意外忽來驚欲絕北堂倚
清華館詩稿

六

杖笑相呼燈前相見重嗚咽夜臺回憶眞愁絕望斷
鄉關路幾千月痕彷彿今宵自此際相依倍愴情此
時關塞漸清平瓊林况復傳金榜夫婿居然第一名
一家重聚歡無極外人爭羨乘龍客富麗簪來上苑
花團圓照出中秋月續得韋家再世緣一枝斑管屬
臨川江山終古才人恨玉茗堂空鎖暮煙

過耕雲姪村居

晚涼村路靜過我仲容家微雨洗瓜葉野風香豆花
鳥聲喧竹樹人影入桑麻荷鍤見田父歸來日已斜

辜負東風意碧桃開幾枝長門深不啟花落有誰知
歎息宮中事歌殘有淚痕多情鸚鵡鳥祇說感恩

東西夜夢亡兄樞賓

三更衾枕寒明月光在帷合眼忽成夢所歷多迷離
阿兄形清癯行止如生時呼曰弟來前有語汝聽之
欲語又閉口淚下如綆縻悽然感其意再拜前致詞
奉我堂上母教兄膝下兒母老好調護弗使受寒飢
兒長有知識卽令攻書詩兩事日在懷願兄弗傷悲

清華館詩稿

七

兄顏似稍解餘語更依依語罷執我手忍淚遂言辭
牽衣欲挽畱去去如風吹夢醒言在耳獨坐情如癡
那堪庭前樹聲聲啼子規

江邊柳

江邊兩楊柳影映江波碧柔絲千萬條送盡東西客
東西客多離別離別年年柳自青不覺行人頭似雪
行人漸老歲月久何人分種江之口江之口春水流
柳乎柳乎尚然自離別莫管行人離別愁

深省山房示敏求開士

散花場遂作詩壇悟後楞伽已倦觀禪榻茶煙塵夢
斷松肪笋脯食單寒閒知白社非難住靜覺青山始
耐看欲問昇天無上法瓣香親爇坐蒲團

惜字菴題壁

斗大茅菴小市傍出門便是是非場驚心世事多弓
影轉眼年華過電光架上鐘難敲夢醒龕中佛定笑
人忙老僧豈識浮生假但把華嚴誦幾章

送王雁門還吳中

離筵容易醉把酒已魂銷歸路無千里愁心有萬條
清華館詩稿

八

裝輕如落葉艚健趁春潮後夜沙隄月懷人聽玉簫
映雪山房用王穀原先生韻

分半閒雲入戶庭晚山門外碧瓏玲雨多時見殘花
落琴靜惟畱野鶴聽別久故人天共遠春來雙鬢蒼
同青東風更爲開懷抱催放吟筇入畫屏

烏啼曲

殘月皎皎烏啼林間登我高樓望彼楚山楚山茫茫
隔煙霧游子飄流在何處玉琴彈罷白露溥孤雁哀
鳴關塞寒迢迢萬里道萋萋長秋草秋草綠到天涯

住夢裏尋君迷歸路思君面不能見妾身囊中琴君
身落花片囊琴有怨向誰訴花片隨風無定所

棄妾詞

妾本良家子失身文孝坊學成箜篌曲傾倒游冶郎
君家在何處春江桃葉渡桂楫木蘭橈載妾江南去
江南春草芳歌舞樂未央何來獅子吼驚起雙鴛鴦
解開同心結使妾與君別可憐合歡樹花開被摧折
君吟紅豆詞妾咏團扇詩團扇已捐棄紅豆空相思
相思鬱懷抱一夕紅顏老昔時掌上蓮今日路傍草
清華館詩稿

九

吞聲出君門心不忘舊恩還君鮫綃帕上有千淚痕

咸陽送客行

花陰漠漠黃驄驕送君直上咸陽橋橋下滔滔江水
急橋邊嫋嫋風柳搖柳枝江水尚如故憶得前年送
君路短衣匹馬去千里直到青山最多處青山不改
歲月久往事那堪一回首天公更遣君遠行又挂征
帆海門口驪歌唱罷隔江樹煙霧茫茫畱不住春風
只捲落花飛不捲離愁共春去

俞心淵過訪

故友相逢意倍歡，商量重整舊吟壇。孤燈曾聚三更影，小雨能生六月寒。貧覺買山原不易，嬾思作客果然難。黃花紅葉秋風裏，記否尋詩共倚欄。

過四面畫圖間樓贈蔣夢花丈

樓居真箇似神仙，嵐影雲光落檻前。我欲攜家畫中住，主人可要買鄰錢。

落花風裏颺茶煙，紗帽籠頭手自煎。却被時人嘲水尾，客來先試惠山泉。

夢醒揚州鬢有絲，研光牋寫憶香詞。風流畧似垂虹清，華館詩稿

十

長羸得人傳本事詩

對雪懷雁門

浩浩銀沙沒馬蹄，衝寒有客向天涯。劇知滕六殷勤意，不遣楊朱見路岐。

暮春曲

聲聲杜宇啼芳樹，東皇欲別難畱住。草長離亭路盡迷，花飛高閣人初去。玉關夢斷悲離別，羅衫淚滴千行血。猶有簾前燕，雙呢喃。細把春愁說，徘徊幾度。停鍼起亭苑，無人春去矣。珠簾十二畫沉沉，滿地綠

陰清似水

山行雜詩

山人構茅屋乃在雲深處其上列峯巒欲上初無路
怪石勢崢嶸倒懸如欲墮行吟入修竹一步一回顧
微雨洒然來隨風薄林樹茫茫楚天青白雲自來去
攀藤學猿猴指顧上山頂羣峯四面橫仰視天如井
嵐氣出古洞化作秋雲冷掬之忽飛去濛濛度西嶺
青山逞變幻故遣雲出岫雲來山忽肥雲去山仍瘦
行行轉前峯忽聽蒲牢吼長風天半來飄飄入懷袖

清華館詩稿

七

回視山下雲又作靴紋縐

上山躑躅行下山且緩步步久腰脚疲小憩巖邊路
巖泉欲出山怪石攔不住瀉出兩崖間滔滔如瀑布
溪邊下夕陽山影如人渡下有忘機翁棹歌來復去

吳丹崖

煙過訪卽贈

入世先憂我道貧誰從塵海得閒身耳聞箏笛非同
調筆帶煙霞有幾人前輩重逢皆白髮百年易負是
青春羨君努力窺唐宋正好來扶大雅輪

和丹崖惆悵詩

暮春時節雨兼風唱罷憐香唱惱公已斷嬌魂妝閣
裏難尋好夢繡衾中畫眉剩黛淒涼綠插鬢餘花慘
淡紅疑是迷藏何處捉月明如水畫樓空

舊家門巷忍重行着眼房權易愴情燕子尚窺微步
處鸚哥猶學緩吟聲彩雲竟與春同去愛水誰知淚
釀成懊惱吳郎連日病腰肢瘦損總因卿

韋家縱有再生緣釵鈿重看已黯然繡譜每憐花樣
巧畫圖難寫笑渦圓誰言弄玉隨簫史竟似楊枝別
樂天那得安仁腸不斷茫茫情海正無邊

清華館詩稿

七

懷綺石潭州

行役三千里波濤十八灘別來見鴻雁消息幸平安
鄉國夢應到蠻方秋未寒獨憐煙瘴地并少菊花看

秋夜懷友人

萬感入吳吟蕭條晝易陰暮雲江樹遠秋艸驛亭深
天末數行雁愁邊千里心那堪樓上笛猶作別離音

吳姬琵琶曲

秋風吹醒繁華夢當牕忍把琵琶弄琵琶纔鼓又停
聲白髮吳姬抱餘痛自言生長在橫塘桃葉桃根鬪

艷妝女伴穿鍼翻繡譜伎師教曲按霓裳行年二八
聲華盛臙脂隊裏傳名姓夜雨蕉心捲不開春風柳
絮飛難定上公選艷遍天涯採到吳王苑裏花多把
黃金求粉黛強扶碧玉上香車後庭歌舞人多少就
中獨羨紅兒好錦瑟方彈洛浦詞雕盤已賜南園棗
蛾眉從此入高唐暮雨朝雲伴楚王誰信東昏空好
色此身不合老柔鄉可憐得隴重思蜀幾座銅山看
不足拾得瓜金笑趙公奪來白壁欺虞叔公卿一半
倚門牆車馬紛紛去住忙堪歎石崇方得意早聞汲

清華館詩稿

三

黯有彈章詔書忽下平陽第弓刀隨後來千騎入戶
先爲瓜蔓抄歡場頓作淒涼地歌樓舞榭盡摧殘一
角芳園地入官猶幸弘羊免烹醢得全首領葬江干
此時賓客俱星散此際孤生腸欲斷愧說樓頭墮綠
珠芳魂泉下猶相伴翻羨盧家有莫愁鬱金堂上度
春秋平章舊宅皆封禁無地能容燕子樓懊儂歌罷
愁無那苧蘿村在歸猶可回首午橋莊上看東風不
啟葳蕤鎖最恨無情燕尾舟送人一夜到蘇州樓前
不改垂楊影門外依然春水流年年望斷西陵樹雲

山不識京華路翦紙時時招不來通侯魂魄歸何處
麥飯誰澆土一坏衣冠應已化塵埃空留篋裏琵琶
譜猶記當時顧曲來四弦入手愁先至低徊說盡心
中事不遇江州白使君更誰贈與千行字惆悵年華
似轉輪身前富貴總非真憐他閱過滄桑感也是邯
鄲枕上人

冶春曲

十二湘簾半下鉤夕陽隄上雨初收楊花風起渾如
雪捲得春愁上玉樓

清華館詩稿

古

畫出春愁似六朝香車蘭舫小紅橋離人日暮心如
醉那有閒情折柳條

吳丈忘雲見賞感事詩賦此鳴謝

一夜王師下玉關幾人慷慨唱刀環夢回絕塞長天
外心折先生片論間烈士壯懷悲白髮書生末路有
青山劇憐萬里烽煙隔多少蒼生望凱還

除夕守歲戲作

家家饋歲喜欲顛肥羊大酒開華筵我家饋歲瓶尊
空并少三百青銅錢朝來書賈來索逋欲避爭奈高

聲呼答云窮來只空手除却青山一無有不知山裏
好煙霞值得人間一錢否書買大笑拂衣起君旣無
錢我去矣茫茫歲月去如流何物能消萬古愁羊裘
換得酒一斛攜歸歡笑聲滿屋酒酣跂足自高眠不
管千家喧爆竹

和吳榕園先生東山探梅

春禽報芳信已值花開時幽人來得得蜂蝶猶未知
行吟入深谷松竹交參差好風從東來清香襲人衣
空山流水畔瞥見三兩枝嫩蕊帶雪開瘦榦臨風欹
清華館詩稿

五

斜陽澹孤村疎影何離離曠焉暢我懷欲去猶遲遲
獨坐蒼苔石細和林逋詩

春會即事

樂志煙霞外忘情水石間聽琴先覺雨學畫細看山
几淨攤黃卷亭空放白鷗相逢詩酒侶一笑各開顏
清明旅懷和友人

浪遊忘節序社鼓忽喧闐病客難寒食荒厨易禁煙
錫簫紅杏外麥飯白楊邊對此添鄉思先人有墓田

慎行堂訪黃雲涓濤有詩見贈答之

山有太古容人有太古心蕭然一室內心遠境彌深
禽鳥俱寂靜松竹有清音一卷秋水篇坐觀忘古今
時或暢懷抱發作長短吟高歌振巖壑林外風泠泠
歲月去何駛如石火電光一年復一年能不顏鬢蒼
白首倘無成思之心惋傷富貴既已遠名利早相忘
耿耿一寸心發洩爲文章知音諒無人塵海方茫茫
聊以行我素抱琴彈清商舒卷如閒雲與君同翱翔

小飲方氏園亭

醉唱青蓮對酒行黃鸝如我亦歡聲敢勞地主頻相
清華館詩稿

六

勸難得天公特放晴竹外月來人影瘦花間風起蝶
衣輕畱題艸草真堪笑多少餘波寫未清

春夜寄吳丈笏堂

日日山中採藥行不知春已到江城草生冷巷非無
意燕入貧家似有情已歎故人成遠別每思前輩悔
遲生蠻牋寫出牢騷句寄與吳均子細評

西崦

山寒煙翠深日夕風颺起隔塢聞農歌人耕白雲裏

新種修篁一畝寬日斜清影滿欄杆只愁遮住宵來
月刪却牆東十數竿
薄煙散盡暮天空雨過前峯日脚紅兩岸山光三面
樹人家園在綠雲中

花下醉歌名曰招花行

蝶兮蜂兮喧夕陽花氣吹作春風香天遣花開亦有
意似邀先生來傾觴先生年來百事懶但於詩酒猶
情長痛飲時作醉翁醉高歌或學狂生狂喝來竟入
花開處萬樹千枝散香霧遠望紅雲一片遮欲去不

清華館詩稿

七

去迷歸路山重愛花兼愛人爲我花前置酒觥興酣
冷冷彈綠綺搔首長歌招花行君不見江南春色一
千里并入紅橋萬花裏紅燭千條月影低艷歌一曲
春聲起香車寶轂爭相逐樓上美人顏如玉金錢十
萬酒如淮來去銅街看不足人人爭羨蛾眉好人人
爭道韶光早一夜狂風捲地來萬紫千紅跡如掃繁
華轉眼頃刻空何如寂寞深山中花開日日拚一醉
主人之顏如花紅拂衣三歎且歸去更向花前誦長
句何必通明奏綠章招此江南花萬樹花神如許約

翩翩舞霓裳贈我紅錦段入我黑甜鄉小樓一夜風
雨聲開遍西山舊草堂

俞喬泛舟

小俞橋下水可以泛輕查波暖長蘆葉風香開棟花
荒原歸牧笛小港響漁叉欲買村醪醉停橈問酒家
文信國遺琴

匡海千年恨孤臣三尺琴胸中存正氣弦上起哀音
白雁江南怨黃冠故國心曲終柴市暮聽者定沾襟

憶舊詞

清華館詩稿

六

舊游最憶玉山堂檀板銀箏勸客觴我是嬉春楊鐵
史尊前泥殺小瓊娘

當筵彈動武山香翠蹙雙蛾恨倍長唱到采春囉噴
曲不禁紅淚濕羅裳

骨出飛龍病已深空將幽怨託瑤琴玉顏縱似蓮花
好爭奈無人見苦心

玉梅花下訴相思冰透鞋幫也不知除却花間雙翠
羽有誰親見比肩時

惆悵尋春去太遲被人折取好花枝此行真作湖州

別可有成陰結子時

懊惱蘭舟強載歸啼眉慵髻掩羅幃不須苦念慈雲
咒誰肯開籠放雪衣

落花庭院冷於秋一帶緗簾盡下鉤腸斷龍洲劉處
士重來怕上舊妝樓

繡簾拳處見張穠真箇相逢是夢中從此茶煙禪榻
畔飛花不著左筠翁

同張西涯

福謙

西山晚步

青山爲比鄰開門卽相見煙嵐日夕佳挂頰看不倦

清華館詩稿

五

晚來動游興行行腰脚健同游張子野煙霞癖素擅
指我斜陽外千株新綠遍微雲和煙靄散作青一片
峯巒裹其裏石氣時隱見清風林外來吹起煙一線
中有古蘭若烹茶啟禪院山花映庭戶嵐翠撲几硯
平生泉石心對此忽生羨頻年苦俗累勞勞塵滿面
竭來得幽趣閒愁好排遣長歌左思句招隱計良善
催歸聞暮鐘欲去猶戀戀思描粉本還恨少鴛溪絹

醉眠歌

青天夜半出明月來伴尊前醉眠客酒酣吹出洞簫

聲霹靂一聲裂山石仰視皎皎明月光瓊樓玉宇應
清涼歸去來兮歌未半白雲引入黑甜鄉却共白雲
同榻住一夜天風吹夢去移家忽在赤城南種得桃
花三萬樹

書蜀碧後

隴首妖氛起秦關戰血腥君王方側席丞相尚談經
小醜何難滅奇謀不肯聽養成猖蹶勢身死負朝廷
襄漢援兵絕誰能解倒懸幾人憂社稷無地避戈鋌
恨血流巴水冤竄化蜀鷓生靈荼毒盡烽火照西川

清華館詩稿

三

雷雨孤城破王孫奈汝何井泉理玉玦宮艸沒銅駝
龍種終朝盡蟲沙小劫過一編稗史在感慨起悲歌

老將

太息封侯事韓彭多可憐身歸滄海畔頭白戰場邊
湖上騎驢日山中射虎年舊時諸部曲大半畫凌煙
風雨連旬有懷陳大山東

關河書斷雁行稀二月行人尚未歸夢裏縱教相會
易愁來應悔遠遊非故山花發誰攜酒客邸春寒未
寄衣忍讀江淹離別賦天涯芳草雨霏霏

放舟有懷

幾向離亭折柳條，春愁暮暮復朝朝。
喚來渡口低蓬艇，搖過江頭小石橋。
兩岸山光浮綠雨，一湖花影起紅潮。
無端忽動懷人思，嬾聽吳娃紫竹簫。

過橫山張氏隱居

逋翁入夢招期我，煙霞裏朝來掉孤艇。
去訪書臺址，白雲一徑深。迷路將歸矣，獅峯高插天。
空翠飛不已，山好耐客看。欲去步先止，遲遲出巖畔。
樹杪炊煙起，下有棲隱者。結茅傍山嘴，居鄰八九家。
半是採樵子，清華館詩稿。

三

柴門堆蒼蘚，滿地閒花紫。潺潺山中泉，瀉作門前水。
鷗鷺不避人，結伴眠沙尾。釣磯如可借，我欲常來此。
曉起偶得

一夜西風冷，漸侵曉來開。戶只空林主人怕，掃苔痕。
破落葉，堦前尺許深。

雁門自茂苑來訪賦贈

排悶方傾婪尾杯，逢君便覺兩眉開。
腰間帶得千金劍，知是要離塚畔來。
豈甘投刺向豪家，幕府淹留感鬢華。
漫道文章終不

遇吳公會薦賈長沙

貧女歎

貧家有女容絕代，避人獨處蓬門內。自幼生來儉裝束，不識臙脂與粉黛。日日當牕織練素，燈影機聲伴朝暮。牕前明月幾圓缺，鏡裏紅顏漸非故。東家女兒縮高髻，香車載入五侯第。西家女兒廣畫眉，嫁得乘龍好。夫婿停梭不語傷，幽獨却對寒燈淚。雙落君不見，江頭浣紗顏如玉。翠袖天寒依修竹，自古佳人在空谷。

清華館詩稿

三

寄王雁門

又綠江南草，春歸客未歸。高堂雙鬢白，遠道尺書稀。鄉思雲南望，征程雁北飛。君心似明月，夜夜照庭闈。

送張綺石

去去三千里，搖鞭首不回。關河人遠去，風雨雁初來。浪急灘聲壯，天高峽勢開。望鄉應已遠，莫上九仙臺。五虎山前月，能來照客身。愁生游子意，衣帶故鄉塵。看劍情無限，思家夢有因。劇憐窮海上，尚滯未歸人。已是十年別，淹留亦可哀。蠻天多瘴癘，之子臥蒿萊。

兒女寒誰顧音書寄未回此行非得已不爲荔支來
知君湖海士豪氣未全除道路雖多險江山好著書
鑑湖雲斷處竿嶺雨晴初定有驚人句歸來一起予
懷巒莊寄陸少白師

占盡東南一百峯乾坤清氣入胸中薜蘿門古堆蒼
蘚書畫船高起白虹春盎醉傾新釀綠布衣怕惹軟
塵紅年來亦有青山夢穩臥煙霞獨讓公

秋香曲

春風一曲杜韋娘萬緒千愁恨倍長莫奏霓裳金縷
清華館詩稿

三

曲尊前聽取說秋香秋香家本吳閫住門前望見沙
隄樹柳絮傳來謝女詞蓮花學得潘妃步一時色藝
總無雙管領金釵十二行惟願綠珠能得所不妨碧
玉暫無郎春來秋去朝還夕眼中盡是悠悠客錦被
春生繡閣寒玉簫聲怨蘇臺月雲林公子最風流獨
向吳王苑裏游一見銷魂驚艷絕夢隨雙燕上紅樓
迴腸根觸愁無數鳩媒暗把金鍼度但得渠家父母
心橫塘卽是銀河路判費初明十萬錢名花攜入燕
稍船定情却值團圓夜照出鴛鴦影最圓此時相見

郎心喜此際同歸豈得已自信心如古井深誰知別
有風波起惜花人少折花多療妬無方可奈何惱殺
敬通伴不應低鬟愁唱懊儂歌邇來消瘦芙蓉面檀
郎隔絕難相見彈盡燈前血淚痕秋風秋雨梧桐院
翻憶當年未嫁時裁紅刻翠似班姬辛夷花發朝酣
酒丁字簾垂夜賦詩而今憔悴甯堪怨猶有憂郎心
一片反哺悲無屋上烏辭巢肯作梁間燕千絲萬緒
淚沾襟愁比吳江深更深飛燕無心歌白苧文君有
恨託青琴河東獅子猶餘怒催人又上江南去那有
清華館詩稿

五

人如楊柳花飛來飛去無常處啼眉慵髻倚闌干話
到傷情鼻亦酸萍草無根翻背易芭蕉到死放心難

先柳江
公句

從來恨事驚人耳憤起田家兄與弟提出泥

中一瓣蓮闌房別擬藏西子里黨紛紛論未終羅家
夫婿可憐蟲秦娥差解憐簫史姜老還應庇小紅我
爲秋香三歎息青衫淚滴猩紅血芳艸多應怨恨生
紅蘭幾爲風霜折莫是當年桓大夫南城郡主不相
殊他時或亦拋刀語我見猶憐況老奴

尺素書纔到

六日前尚
接手書

少微星已淪始知身是假猶

訝訃非真竟赴修文召誰扶大雅輪寢門今日淚哭

到第三人

謂南廬梯路兩
先生俱已下世

談笑輕時輩文章集大成詩真今古少狂亦鬼神驚

名在何妨死魂歸已隔生琵琶查十八夢裏幸逢君

先一夕葑湖夢先生冠帶
來辭并託以詩集付梓

去歲高軒過看山每共行杖藜隨弟子魚鳥識先生

不意人琴杳空畱猿鶴盟淒涼舊游處澗水亦吞聲

重過巒莊路園林涕泗間堂前惟白髮

先生
有母

門外尚

清華館詩稿

五

青山勝地誰同往扁舟愴獨還

去年偕遊妙果山
歸舟遂同來硤

南

湖千樹葉似我淚痕斑

有約南湖看
紅葉不果

飯餘無事步至西山幽處小憩率成

看山如作文刪繁撮其要延回入佳處步緩頭屢掉

坐久苔石溫半身明月照林鳥窺孤影松風答長嘯

不見放鶴人山巔碧雲繞

題任南溟

夢駁

吳丹崖二子詩卷後

身似秋山撐清骨詩似寒蛩叫秋月可憐任昉與吳

寬同是飯顛山頭客邇來世上路鬱紆二子高臥林

閒廬消愁各有長物在三百杯酒千卷書

曉步西山

殘月猶未墮餘光映松竹杖策陟崇岡衣上曉煙綠
林泉饒幽趣領畧惟我獨悠然發清唱驚起山禽宿

春江曲

黃鶯訴出江南怨煙雨迷離楊柳倦江波隨夢自西
來流下桃花幾千片畫船來去意如何載得春愁萬
斛多蘭漿迎來桃葉女玉簫唱出柘枝歌玉簫蘭漿
知多少江上東風春正好幾處鞦韆隔杏花誰家踢

清華館詩稿

五

踰圍芳艸踏歌姊妹臉波嬌家住城南紅板橋碧玉
愁多身漸瘦紅綃情重病難消晚來忽聽吳娘曲漸
覺連朝歡不足買得蜻蛉艇子來晴江一泛春波綠
日斜渡口去重回倚櫂低徊笑靨開人影定招鶯燕
妬衣香引得蝶蜂來臨波照影心先喜玉手纖纖弄
春水指點遙山碧一痕畫眉新樣須如此好風吹起
口脂香岸上何人早斷腸莫是長安游俠子青絲白
馬紫游韁秋波一轉頻私語風裏楊花狂不住檀板
先歌緩緩歸玉鞭未肯匆匆去雨絲風片太猖狂一

任吹歸恨倍長纜把團圓期月姊反教離別怨秋娘
杜鵑聲裏牽愁思芳艸無情青滿地莫問江頭水淺
深溶溶多是離人淚

讀徐湘蘋夫人拙政園詩題後

一枕遼西夢已殘招魂不入玉門關窮荒誰作青蠅
弔華表空期白鶴還望斷千橋迷錦閣歌殘子夜怨
刀環多情獨有桐溪月長向南樓照髻鬟

妝臺擁髻動悲吟過眼滄桑感不禁十二樓中春信

杳

三五如花樓十二不堪多向
死前空素菴相國感懷句也

八千里外塞雲深淒

清華館詩稿

毛

涼寡鵠孤鸞曲辛苦長齋繡佛心密字真珠無限恨
拈豪想見淚沾襟

除夕

結柳齋糧送五窮一年光景去匆匆寒消酒客攢騰
裏春在家人笑語中檢點奚囊詩卷重料量節物食
單工預知來歲身強健開到燈花分外紅

屋後架板橋余名曰覓句暇日往來得詩六首

清溪侵天影日夜流不去游魚噴水氣蘋藻如煙霧
上有篔簹翁持竿忘日暮欲問已回頭去去無一語

種菜茅舍北地厚根漸深灌溉日來往風露沾衣襟
兩少霜未降蟲蠹漸相侵虫兮汝勿食菜根卽我心
荷鋤行田疇人影淡斜陽微風從西來稻花有異香
愛與田父語情真意倍長君看耕種事難于爲文章
努力事畝畝關心防雨暘收成自不食思之心惋傷
清秋降嚴霜木葉下無數一樹獨蒸禱歸禽喧不住
於茲悟物理徒倚不能去微風忽吹動飛去不知處
敝廬傍西山頗遭風雨欺非不念修葺予意多忘機
明月入我戶清風吹我衣清氣入肺肝字字盡新詩

清華館詩稿

庚

屋下有流水屋上有青山旁人竊相笑胡不常閉關
豈知雲水身猶在塵俗間衣食固所急詩書猶未嫻
譬彼出林鳥倦極始知還握管發吟咏聊以開心顏
編詩紀歲月名曰半日閒

倚梅女史小影爲任某題

蕭郎種梅三百樹花開又赴他鄉去惜春讓與畫中
人小坐梅花最深處翠裳薄薄晚寒透風送幽香入
懷袖多情淡月上林梢人與梅花影同瘦盈盈秋水
疑雙眸低鬟多因花生愁愛他翠羽花間住不似種

花人遠游遠游時時入夢魂江南便是羅浮村相思
一夜忽歸家尚疑花神來欵門

廢圃

廢圃荒涼甚何人管送迎小橋流水急空院綠苔生
風月無今昔豪華有變更聲聲如弔古堦下一蛩鳴
答人送行代友人
春來已是十分愁又被饑驅上客舟風雨一樽憐遠
別關山萬里悵重游銷除旅恨歸吟卷檢點行裝剩
敝裘腸斷飛飛楊柳絮和煙和雨滿江頭

清華館詩稿

完

丹崖歸石涇詩以送之

風雨連牀夢亦安將歸愁損帶圍寬知心人少交非
易聚首時多別尚難分袂便如千里遠寄書莫厭百
回看臨行一語君須記白髮高堂好勸餐

溪閣偶書

一間板閣枕溪流位置書奩與茗甌但得臣心清似
水何妨學舍小於舟藥畦雨過微添潤竹徑涼生早
覺秋松雪攜來琴一曲牕前靜聽有閒鷗

李園採梅

爲愛梅花絕點塵花前來往幾逡巡他生願得爲寒
鵲冷淡香中過一生

社日出遊口占

新換羅衫上陌頭杏花深處輒勾留關心如與東風
約燕子歸來我出遊

寫懷

端居甘寂寞門無車馬跡何來熱客駕踏破苔痕碧
入門發長歎似歎何寂寂殷勤相問訊勸我事行役
天涯逢知己好獻凌雲策聞言爲改容子意何戚戚
清華館詩稿

三

君子重守道故操豈能易遠遊况勞苦一身猶自惜
况我堂上母鬢髮已垂白

手行復萬行涕泗無盡時非爲窮途泣乃爲骨肉悲
賤子有長兄夙昔工文詞共被及廿載行坐常相隨
何期對牀樂中道成別離傷哉紫荆花一樹俄然摧
池塘重入夢芳草何萋萋芳草有時綠孤魂何日歸
晨興趨北堂顧影心徘徊昔如雙雁翔今作孤鴻飛
沉痛迫中腸尚恐慈母知佯歡且勸餐有淚不敢垂
棲鳥戀密林游魚樂深水樹枯波又溷魚鳥爭遷徙

紛紛輕薄塲結交類如此管鮑如今無古道良已矣
朝秦而暮楚誰見真知已願結煙波盟白鷗共生死
題張綺石閩游草

閩中名勝冠九州青山萬疊不斷頭山靈似亦要文
字去歲特招君遠遊遠遊迢遞三千里黯然魂銷別
而已河梁把酒送君去一片離心挂江樹夢魂夜夜
飛就君千山萬山圍不住知君相思悵行役道遠無
書音信絕懷人時望嶺頭雲思家獨對彭湖月嶺雲
湖月清莫比化作文濤來筆底文章既得江山助鄉
清華館詩稿

五

思又爲尊鱸起歸來笑指古錦囊山川奇氣成琳瑯
調高欲喝蠻雲開味濃似帶仙荔香吁嗟乎造化精
靈盡於此君得成名賴山水遨游大勝閉戶吟下牀
動足從此始

題梅村集

蒼梧往事入悲歌祭酒文章感慨多幾見烽煙馳鐵
騎劇憐荆棘沒銅駝白頭揮淚談天寶斑管題詩記
永和惆悵江南逢白珥琵琶一曲恨如何

雨中過錢家蕩

芳塘漲新水波光如潑黛沿流飛雙漿煙雨滿船載
推篷望平楚天低雲靄靄雲開漏夕陽山色半明晦
青林與白塔出沒蒼煙內寓目得奇觀機神相領會
安得米顛筆畫此煙水態入夜雨未已聲滴菰蒲碎
欹枕不成眠瀟瀟響蓬背

吳子律招集東林禪院以暖翠浮嵐分韻得嵐
字

經旬不出戶嬾惰如春蠶薄暮動游興不于孤嶼南
斜陽明樹杪山影沉寒潭潭水浮煙光濃綠如朝嵐
清華館詩稿

三

數武見蒼翠奇峯高岷岷白雲松頂開微露天蔚藍
蔚叢林樾末中有麗眉尸法鼓響雲堂山僧方晚參
蜜殊雅愛客煮茗陪清談筍脯滑流筋白墮香盈甌
客比竹林七地似蔣徑三林鳥有清音奚必歌何哉
傾杯不辭醉酒味多醞醞譖余處蓬葦食茶苦不甘
有如秋樹枝憔悴何以堪賴有佳山水蠟屐恣游探
烟霞悅人意寓目良非貪感慨何能已遣愁待酒酣
醉歸星斗斜殘鐘聲齧齧

穆齋先生有奇格萬疊秋山撐清骨不肯株守老故
山掉頭慣作天涯客一雙芒履走萬里踏遍燕齊與
吳越江山奇氣入腕底下筆蕭蕭風雨疾龍蛇滿幅
勢飛舞筆力如山撐突兀自言少小意氣豪眼中只
覺天地窄欲取銀河作硯池醉後排雲呼雙闕江湖
放浪三十年頭顱老大已非昔我謂先生宜痛飲酒
星萬古終不沒人生百年倏忽過今日轉眼又明日
若再行樂不及時浪擲光陰真可惜樽中但得酒不
空頭上何愁髮生白君不見葛翁丹成幾千年遺井
清華館詩稿

三

惜花行

幽人愛花等奇寶澆灌何曾肯草草開時不放俗客
來惟恐攀折被花惱今年春暖花早放五枝十枝色
俱好樓臺深裏香霧中欄杆半被紅雲繞對花始覺
種花趣着眼芳菲着不了游蜂浪蝶太無賴不解憐
花但喧擾我攜卮酒酌花神勸爾今朝開懷抱醉歸
自有春風扶尊前且伴玉山倒但願花枝免搖落莫
問酒錢剩多少封姨似妒太矜寵一夜狂飈來木杪

玉顏狼藉委塵埃滿地殘紅愁不埽僅餘幾樹未凋
殘花雖尚畱色亦槁吁嗟乎匆匆榮謝轉瞬間花亦
如人容易老愛花常恐花開遲惜花只恨花落早

寄雁門都下

一天風雪跨征鞍燕薊雲山馬上看說劍未妨稱俠
士上書何意博微官田荒陽羨歸須早米貴長安住
亦難愁絕江南鷗鷺伴烟波深處獨垂竿

重過吳氏山莊

扁舟又訪浣花村溪水秋來沒舊痕野店雨晴鳩喚
清華館詩稿

語

婦平疇風暝稻生孫籬邊新種花初放壁上前題字
尚存情重故人畱一醉把杯重與話田園

讀梧賓遺詩

孤冷姜家被關心萬感生池塘春草色夜雨對牀聲
畫像思容貌遺詩想性情眼枯無淚灑痛絕祇呼兄

卽事

三楚么麼盡王師罷戰征旌旗無殺氣鼓角有歡聲
甲士多歸隱丁男盡學耕東山謝安石絲竹頌昇平

泛舟溪北訪小陳園

溪風吹蘆花飛雪繞雙槳繫船秋樹根落葉打蓬響
名園半蕪沒泉石罷游賞池荒蓮葉枯屋古苔花長
緬昔著書人高文世欽仰嘯傲雙峯間襟抱何閒敞
芳型渺難接伫立我神往寂寂五畝園寥寥千載想

晚山送客

返景下西岑蒼翠滿林樾雲歸巖谷陰人去山樓夕
孤鶴唳秋空林梢挂寒月

曉渡鷓鴣湖不及訪王水村丈却寄

驚起鷓鴣波裏蕭然風雨秋山隨孤棹轉湖帶宿雲流
清華館詩稿

三

柳葉遮書屋蘋花隱釣舟故人家在望臨去復回頭
秋夜懷吳興故知

長笛怨遙夜玉繩當戶斜涼颼吹蕙草秋夢繞蘋花
簾捲苔堦月甌傾顧渚茶芙蓉搖落後應解惜芳華
月夜懷王雁門

西山今夜月可惜不同看憶爾關山北宵深臥未安
風霜爲客苦文字動人難應有高堂夢蕭蕭白髮寒

小飲西麓山房示主人某

淡淡秋光瑟瑟天放懷隨處跨吟羈雲山我是忘機

客世路誰爲忍辱仙
嬾不著書非避謗
狂難禁酒恥逃禪
詩瓢茶版平生事
便使囊空亦灑然

年來少白師南廬
梯路諸先生俱歸道
山感悼

有作

一聲長笛起西鄰
回望黃壚倍愴神
感舊有懷同處仲
招魂無地愧靈均
青山是處添新冢
白髮于今剩幾人
忍讀劉歆知已賦
那堪一字一酸辛

重九養梧叔祖招飲竹西樓不赴詩以解嘲

山影波光四面樓
先生有約許同遊
偶忘錦紙三行

清華館詩稿

美

字負却黃花
九日秋因此得題
殊可喜當時欲醉苦
無由只教破費
雲林老紫螭紅柑買太稠

讀畫樓看雨作歌

曙鐘未動客先起
獨上層樓看山水
舉頭見雲不見
山兩峯裹在白雲裏
雲欲驅山風怒吼
風力驅雲雲亂走
雷聲雨聲忽交作
倒捲江湖入牕牖
牕前指顧雲濤湧
百尺危樓亂搖動
濛濛水氣上樓來
冷透衣裳雙袖重
霎時雨止雷聲息
樓下茫茫水光白
頑雲散盡天宇空
擁出東西兩峯碧

懷人二首

王郎愛遠游，數載離鄉曲。曰歸未有期，雞黍違前約。
曩時忻盍簪，過我小樓宿。對牀聽夜雨，同翦西牕燭。
別來歲月更，梅花幾開落。覽物興我懷，與君久離索。
瑤華遠寄將，驚喜開函讀。爲言行路難，始信田園樂。
逝將歸故山，南村結茅屋。謝絕東華塵，荷鋤種松菊。
吳生抱隱德，肥遯在山林。非夷亦非惠，素操良可欽。
結廬桐溪曲，門外煙水深。溪漁及田父，載酒時相尋。
庭前幽蘭花，壁上朱絲琴。興來彈一曲，調古非繁音。

清華館詩稿

七

世無牙曠耳，誰知君苦心。

漁父

鱸魚美酒勸加餐，料理煙波一釣竿。昨夜月明江畔
宿，蘆花如絮不知寒。

題雁門家山圖

客心夜夜念鄉關，夢落南垞水石間。知爾欲歸歸未
得，但從畫裏看家山。

上元苦雨

暈碧裁紅又一年，燒燈狂興減從前。慳風澀雨非無

意省却人間買夜錢

夕景

閒庭積古苔素月流光冷時有山風來吹動梅花影
久雨

柴門原爲野人開久雨庭階長綠苔時有漁翁攜酒
至蓑衣拖得水雲來

杏花詞

江南二月花事濃夭桃艷李嬌春風春風忽入南國
去一夜吹開繁杏紅花開萬樹紅十里十二欄杆裏

清華館詩稿

美

花裏斜陽樹樹散花陰滿地紅雲收不起美人傷春
愁日暮時踏花陰來復去羅衣小立晚風寒一陣殘
紅落如注黃昏月上人初倦帶得餘香歸深院一雙
燕子却隨來銜去釵頭落花片

晚步芙蓉溪上

綠楊陰覆釣船低土鮒魚多水滿溪一任野風吹不
住菜花香過小橋西

夏夜小飲

西山影落橫東牆一輪明月懸清光幽人呼朋作良

會攜尊來趁亭邊涼是時寂靜夜將半東家玉笛何
悠揚流螢閃閃出衰草涼蟬嘒嘒鳴垂楊身閒未妨
耽詩酒興豪輒自陳盃觴談禪或學空王空放歌時
作狂夫狂鑑殘客去酒未盡詩成紙短愁偏長人生
出處要有命窮達豈必關文章生逢患難寧貧賤匣
中龍劍甘久藏人間但識金銀氣豈知文字生光芒
杜陵老大羈夔府青蓮放逐畱夜郎古來賢達尚如
此區區小子庸何傷急收癡淚起獨酌把杯仰視天
蒼蒼醉歸高枕忽成夢夢裏白荷花氣香

清華館詩稿

五

爰山看紅葉

西風一夜霜十里紅如此我從山下來錯訝桃源是
燒空萬樹明入望千林紫峯巒杳不分裏入紅雲裏
爰基渺何處日暮悲風起時有山僧歸掃葉烹泉水
同齋齋西山晚步有懷令兄心淵秀水

青山如故人別久情更好一峯似招我空翠出林杪
行行入幽徑竹外茶煙裊居人傍山麓四面晴嵐繞
門外碧溪水時時浴鷗鳥溪上見桃花春風紅未老
意行得佳境欲去頭屢掉既愛山水佳復此離思擾

緬懷同心人作客汝陽道殊方少良友何以開懷抱
夜來應有夢池塘生春草

送燕

烏衣有國路逶迤社雨霏霏別思多對我呢喃還細
語知他也當唱驪歌

邊庭烽火未全除多少征人憶故廬此去樓頭逢思
婦莫辭遠寄玉關書

吳子律訂遊碧雲寺予以事不果頃以詩見示

愛山日和韻志慨

清華館詩稿

早

愛山已成癖坐臥懷碧岑清風引幽夢夜夜入雲林
磨公拜經處山色無古今何當浥淨水爲我滌塵襟

晚山

晚山如欲雨空翠落紛紛一徑入寒竹數峯生夕氣
鶴鳴松頂月僧看石邊雲不見煙中寺鐘聲林外聞

養梧叔祖錫過訪卽贈

寂寂衡門雀可羅高軒難得肯重過青雲歎我匆匆

誤白髮隣君漸漸多閒憶金牛能夢否公有湖上偶
詩五十首

看竹馬奈愁何公未
有嗣安排幸有消憂法濁酒盈樽一

放歌

答子律見寄

採藥東山下白雲滿筠籃清風林外來衣上飛晴嵐
長歌招隱詩歌聲落寒潭美人期不至夢繞桐溪南

述懷

潦倒生涯一釣簑平生壯志暗消磨功于天下蒼生
少恩負堂前白髮多出岫雲誰知去住在山泉肯入
江湖惟應乞取江淹筆補寫昇平擊壤歌

遠戍

清華館詩稿

望

遠戍狼煙瘴霧中挽戈隨處立奇功歸來依舊身強
健笑煞新豐折臂翁

山家

不斷峯巒碧峯迴見艸廬薜蘿門徑古泉石世情疎
秋水閒垂釣青山獨著書殷勤主人意畱客翦園蔬
寄養梧叔祖

十畝青山五畝園漁樵相訪且開門殘紅滿地風三
日新綠如雲雨一村小病先辭生客見偶閒頻把舊
書翻商量結箇聯吟社共擘蠻箋對榻論

寄丹崖

吹得秋光老西風日幾回人如山漸瘦愁與雁同來
霜冷梧桐落天高砧杵哀關山正搖落未忍獨登臺
對酒與友人

小謫無端下大荒廿年回首去堂堂埋愁身外應無
地取醉人間尚有鄉龍性生成難屈伏狗屠交友豈
尋常與君各有幽憂疾散髮被裘未是狂

野老

板凳橋低水一渠臨溪結屋有人居花如避賞先成
清華館詩稿

望

果鷺已忘機不在魚靜愛畫山倪瓚法閒翻種樹郭
駝書高眠應絕紅塵念租稅田園歲有餘

消暑雜詩

西峯涼翠壓衡茅靜掩花關少客敲一縷茶煙飛不
定被風吹上老松梢
溪邊矮閣紙牕明圖史中間一榻橫時有漁翁划艇
過也停雙漿聽書聲

青帘斜挂柳梢頭隔水紅欄認酒樓閒煞溪南辛老
子朝朝來作醉鄉游

穠穢無人觸熱來不愁
展齒損莓苔好風何處吹香
至花在鄰家牆上開

愛入青山嬾入城
煙霞深處著吟身
何須更向滄浪濯我足
原無半點塵

新涼便覺葛衣單
細數秋英倚曲欄
已把浮名拋度外
槐花只作等閒看

車服竹衫

翦來寸管線穿勻
長夏披肩得此君
好趁清涼蕉葉扇
却宜裝點藕絲裙
袖中淇水清波影
襟上湘妃舊

清華館詩稿

呈

淚紋着體但求人
護惜可能重憶昔
凌雲

拜梯路丈墓

車迴底事淚沾裳
季重墳前宿草荒
此日忍澆何點酒
當時曾拜德公牀
黃墟買醉人何在
白首論交歲未長
不盡山邱華屋感
可憐塵世易斜陽

雨夜悼亡兄

篝燈夜讀穎濱集
棖觸愁腸涕泗零
漂泊彭城還勝我
雨聲猶得對牀聽

病中遣懷

寂寂芸牕裊篆煙閒中真覺日如年秋花香繞維摩
榻夜雨寒侵子敬氈倦眼開時書有味病根深處藥
無權安心學得坡翁法默坐惟參不二禪

寄友人虎林

巾子峯前日往還峯頭雲與客俱閒年消藜杖櫻鞋
上夢入三潭五柳間老鐵詩情春水舫大癡畫稿夕
陽山勾留十載忘歸去花鳥還應笑鬢斑

和馨堂常字韻卽贈桐石丈

滿座春風夜舉觴不知庭外已飛霜偶談八載相思
清華館詩稿

器

久忘却三更點漏長前輩諸公俱作達百年此會豈
尋常一杯更勸東山叟珍重人間要夕陽

丹崖過訪畱飲清嘯軒賦贈

總角追隨早定交睽離相望首頻搔佩韋漫擬西門
豹受粟常懷北郭騷

丹崖有母

寄我千篇吟白雪畱君一

醉典青袍酒闌棖觸鬢年事太息安仁有二毛

立夏日寄家馨堂

五更黃鳥啼報道春已去薰風吹花片紛紛飛不住
筵開羅櫻筍微雨尊前過野雲欲入戶暗向簷頭度

松竹添清韻林園饒幽趣念予西堂上焚香罷晨課
高臥傲羲皇獨唱誰與和相思咫尺間遠若千里路
吟成書繭紙寄爾代尺素擬共枕琴眠綠陰最深處
讀天寶遺事有感

驚鴻寂寞恨如何爲有霓裳一曲歌同是無雙好顏
色玉環偏覺受恩多

失題

溪流何潺潺環繞屋前後板橋人跡稀綠苔盈寸厚
秋雲嬾不飛一抹挂疎柳靜聽滄浪歌生涯羨魚叟
清華館詩稿

翌

行當掃釣磯著我垂竿手一笑問閒鷗爾其許我否
答仙舟兄

書札頻煩問子由年來肥遯愛林邛閒中心事看青
鏡物外交期數白鷗聊以詩書酬夙好敢將姓字附
名流平生未辨齊梁體怕入蕭家文選樓

時蕭雨香方選苔岑

集屬兄索
子近稿

扁舟

扁舟占得五湖寬水態山容俯仰看渡口載花雙槳
健江頭釣雪一簑寒相隨鷗鷺情俱熟見慣風波夢

亦安漁弟漁兄來往便烹魚沽酒勸加餐

曩屬雁門寫巒莊雅集圖至今未就詩以趣之
山水清游憶往年一雙蘭漿破溪煙松篁深護藏書
屋魚鳥歡邀載酒船勝地最宜文字飲微名欲借畫
圖傳只求王宰畱真跡寫我疎花瘦石邊

題隱者壁

獨自攜筇去行吟西澗濱白鷗閒似我野竹瘦于人
屋古雲同宿山深樹作鄰此中棲隱者應是葛天民

哭徐丈春郊

載

清華館詩稿

吳

神交彈指五年餘每把侯芭問起居未得低頭拜東
野已甘北面事君魚江湖舊約孤舟杳

約游永安湖不果

著

作名山一夕虛忍過昔時觴詠地空齋塵掩半牀書

登煙雨樓

層樓俯瞰水滌澗呼吸湖光入酒杯暮雨飛時雙鷺
下暝煙破處一帆來蒼茫忽起悲秋感慷慨誰當作
賦才信美劇憐非我土欄杆倚遍首重回

再至李園探梅

門掩東風長苦耶藥鑿茶筌冷生涯下牀動足無他

事不是看山便看花

殘雪初消屐齒輕香風一路似相迎年來自喜交游
寡只有梅花識姓名

歲歲花開載酒游吟香嚼蕊每淹畱不妨呼作忘年
友我鬢青青爾白頭

晚泊天因寺

天半風聲響塔鈴寺門日落客舟停雲垂滄海千檣
黑山抱孤城百里青樹木年深工閱世魚龍晝靜聽
談經夜深振柁開帆去萬點星口口口口

清華館詩稿

吳

招桐石穆齋李乙垣南筠夫子吳夢白家馨堂
重集丹井山房以間中妙句咏梅花分韻得

中字

白雲仍護梵王宮照眼楓林分外紅佳客誰知連夕
至醉鄉祇在此山中寒生簾幙燈無色暖入胸懷酒
有功不讓平原舊時會杯盤十日未曾空

初夏雜詩

繞屋柔桑戴勝鳴午餘攤飯展桃笙夢回忽聽蕭蕭
雨知是紅蠶食葉聲

綠陰門巷雨淒迷紫燕飛來啄絮泥知爾舊巢忘不
得無心去傍畫梁棲

茶具琴囊載兩頭綠楊影裏小停舟釣竿不占全湖
水一半煙波屬白鷗
移得琅玕傍砌栽月明个个上牕來怪他昨夜新抽
笋穿破蒙茸一片苔

雲林疎處露煙鬢僧梵樵歌杳靄間仰屋著書成底
事何如拄頰看西山

再贈穆齋

清華館詩稿

吳

江海歸來兩鬢秋一時賓從盡名流門前蠻舶求新
墨枕上燕雲夢舊游歧路三千消劍氣年華一半入
糟邱高歌欲喚劉伶起奪取頭銜作醉侯

感懷示心淵

玉山筵上太郎當人道寬饒醒更狂勝地踏穿雙不
借壯懷畱得一千將頭顱似我真堪笑肝膽如君未
敢忘多少焦桐遺爨下賞音獨有蔡中郎

柳絮

飄泊無心管別離隨風輕點美人衣玉關路遠應難

到莫向鞦韆架畔飛

先君夢蘇公髫齡卽好吟詠年十七先大父見背遂棄制舉藝習先世醫業暇時益肆力於詩宵夜不倦體固羸弱用心復困苦因得瘵疾而歿年二十有六無子公弟小梅公以長子爲公嗣卽華也華之生距公歿已六年矣小梅公嘗以公所遺贖稿泣而命華曰此汝嗣父一生精血所在將求流傳一二者汝他日當竟其志華謹受而藏之每欲出以問世輒緣事不果歲庚

清華館詩稿

一

申粵匪蹂躪浙西迄於癸亥挈家流離此稿未嘗一日去身也今幸免兵燹亟屬手民付諸梨棗以存其概謹識數語於末男華謹識

类别	
册数	1
售价	0.60





古齋印

天
册